

Den proyecto di Medio Ambiente

Studiantenan di Polis ta enfoca riba “endangered species”

ORANJESTAD - Pa por logra nan diploma di MBO na Scol pa Polis, studiantenan ta haya e tarea pa presenta un proyecto di medio ambiente.

Un grupo di estudiante cu ta na Districto di Noord cu ta traha for di oficina di Bario Regisseur di Yaburibari, a scoge pa enfoca riba “endangered species”, esta animalnan den peliger di extingui.

E Polisnan a dicidi di brinda extra atencion na e turtuganan cu ta bishita nos isla pa traha nan neishi pa e rol importante cu nan ta hunga den mantencion di balans den e ecosistema.

E studiantenan di Scol pa Polis a cera cabes cu un stagiaire di Aruba Tourism Authority y a pidi e experto riba tereno di medio ambiente, Bobby Miller pa asisti nan cu a proyecto. Den e proceso di investigacion a pidi Bobby Miller pa check e calidad di awa y hunto nan a mira e limpiesa di e beach y kico por haci pa mehora e luganan unda e turtuganan ta



subi tera pa traha nan neishi.

Miller ta un especialista den asuntonan di medio ambiente y ta trahando pa nueve aña caba na e refineria; e ta ofrece su ayudo den nos comunidad frecuentemente. El a haya e apodo Boa Bob Snakeman di hendenan cu conoce pa su trabao di gara boa.

Miller a expresa cu un di e retonan cu el a nota cu tin cu

medio ambiente na Aruba ta e poblacion di parha cu ta birando menos y menos. El a splica cu ora el a bin Aruba, e area unda e ta tabatin hopi parha manera prikichi y warawara, cual awendia casi e no ta topa mas. El a tuma e oportunidad di ta trahando cu e polisnan hoben pa subraya na comunidad cu si por deshaci di e boanan, e poblacion di parha lo subi atrobe.

Hunto cu e hobennan, Miller a tuma muestra di awa, tera y algae (seaweed) pa check kico e problema por ta, si tin un problema y pa hunto determina con lo por resolve.

Stephanie Solognier, kende ta un di e Polisnan trahando riba e proyecto a bisa cu nan enfoca ta principalmente riba bida maritimo. Aruba tin cuater tipo di turtuga cu ta yega nos costa pa pone nan webonan y ta hopi importante pa hendenan ta consciente di e neishinan riba beach.

Coremento y parkeer di auto riba beachnan ta pusha e santo abao y kibra e neishinan



di turtuga y esaki mester stop. Tambe, Solognier a bisa, cu mester continuamente mantene e beachnan limpi pasobra saconan di plastic cu

bay den lama e turtuganan ta ekiboca nan pa cuminda, y ora nan come esaki e ta pega den nan curpa y ta causa nan morto. □

